

Júu[^] e toq̃ fi' ni~ ji` quiá'- Paā e catíinḡ dseà seeng` fi' GALACIA

1 Jneā Paā líin'n jaang` dseà apóo` i óo` ta~ quiá'- Dseà Jmáanḡ, dsu' o' dseà jmiǵiú' i ca'náanḡ jneā o'gui dseà jmiǵiú' i casíinḡ jneā e nijmee~ e e ta~ la, dsuc'o' Dseà Jmáanḡ 'ñia'bre cóo'gui Tiquí'ii' Fidiée', í'bing' i cajmée' lajo, jo Tiquí'ii' Fidiée', íb' cajo cajmée' e cají'tu Jóor' Dseà Jmáanḡ mĩ~ canǵ e cajúin̄. ²Jo jneā, colíinḡ cóo' jaléng' dseà quiá'- Dseà Jmáanḡ i caguiaanḡ gui i taanḡ cóo' jneā fi' la, guiéeng'naa' júu[^] guicóo' quíi'na' jaléng' 'nú', dseà quiá'- Dseà Jmáanḡ i neáang' fi' lí' se' Galacia. ³Jo nimíi' i Tiquí'naa' Fidiée' cóo'gui Fíi'naa' Dseà Jmáanḡ e ni'ír' güea' quiá'r' jee~ 'nú' jogui e nicuó'r' 'nú' e seeng'na' juguiá' júu[^] røø. ⁴Jo Dseà Jmáam'bing' i cacuóøng' 'ñia' e cajúin̄ fi' dse' crúu' uúil' dsee~ quí'naa' e laco' ja' nisíng' yee'naa' fi' ga' cóo' jalé' e 'lí' e sea' fi' jmiǵiú' la, có' lajob cali'inḡ Tiquí'ii' Fidiée' e cajmée'. ⁵iMajmifém'baa're lata'! Jo lajob 'né' lí'.

Ja' sea' e jíé'gui júu[^] laco' e júu[^] quiá'- Dseà Jmáanḡ

⁶Jo eáam' dsigá' dsii' e lajmináb' catiúung' 'nú' Fidiée' e ja' mí' ngóo'

eáang' e cajáang' yaang'na' fi' jaguór, có' dseà dobing' i caguíng' 'nú' uúil' e eáang' guíunḡ Dseà Jmáanḡ cóo' 'nú'; jo dsu' lana, 'nú' ninaang'na' e já' líing'na' júu[^] e jíé'gui laco'gui júu[^] quiá'- Dseà Jmáanḡ e quiá' jial laang' dseà jee~ dsee~ quiá'r'. ⁷Dsu' dseáng' e já' e ja' sea' e jíé'gui júu[^], có' dseáng' lajii' júu[^] quiá'- Dseà Jmáam'ba' sea'. Dsu' lajii' e líí' e seeng' dseà i jmicanḡ quíi'na' jogui iin̄ nijmisiin̄ júu[^] quiá' jial laang' dseà jee~ dsee~ quiá'r'. ⁸Dsu' song seeng' dseà i jmóo' lajo, ja' e líí' fa' jneab' osi jaang' ángel i líing' guotii' Fidiée' i jáa' fi' yú' jmiǵiú' i guía' júu[^] e jíé'gui laco' júu[^] quiá'- Dseà Jmáanḡ e nicaguiá'naa' jee~ 'nú', jo jneā fál'a, güiguiém' Fidiée' fi' lí' 'lí' i dseà í' lata'. ⁹Jogui fii' túu' 'nú' calé' catú' lajii' e nicaffi' i 'nú' do: Lí' doni' ii' dseà i guía' júu[^] e sisíng'gui laco' e júu[^] e nica'íng' 'nú' do quiá' jial laang' dseà jee~ dsee~ quiá'r', jo güi'naang' i dseà í' quiá' Fidiée' lata'.

¹⁰Jo e já', ja' jmóo' jneā jii' e jmi'iaang' dsii' dseà jmiǵiú', có' dseáng' lajii' e jmi'iaang' dsii' Fidiée'ba' jmóo'o. Dsuc'o' fac'o' jneā

iin̄n e lico' niliseen̄ guiá' cōo' jii' dseà jmiḡuíf, joba' ja' líin̄n jaang' dseà i jmóo' lajii' e iing' Dseà Jmáang' jóng.

Jial mi' ca'uíng' Paa' dseà quiá' Dseà Jmáang'

¹¹ Joba' iin̄n e ñí'ba', dseà rú'naa' dseà quiá' Dseà Jmáang', e lajii' e júu' e guiá' jnea' quiá' jial laang' dseà jee' dsee' quiá'r, dsu' e júu' jo ja' líí' laco' la í' dsii' mogui' dseà jmiḡuíf. ¹² Jogui ja' ca'íing' jnea' o'gui calitín̄n quiá' lí' doñi' ii' dseà jmiḡuíf cajo, co' dseáng' lajii' Dseà Jmáam'bing' cacuø' jnea' e calicuú' i e júu' jo.

¹³ Jo nicanuñ' 'nú' e ie' lami' jéeng'gui do, lajee' nú'gui e nilicuúin̄n Dseà Jmáang', cajmé'baa úung' e cajmitii' røø lajii' e tting' dseà áang' quie' e dseà Israel. Jogui eáam' ga' cajmeáan̄n jaléng' dseà quiá' Dseà Jmáang' co' cartí' cajmé' e úung' e nijuum' jaléng' i dseà í'. ¹⁴ Jo ie' jo, jee' jaléng' dseà rún' dseà Israel i conrøøng' jiu' cōo' jnea', lajii' jnea'bing' i jmiti'gui røø' jalé' e qui' tting' dseà góo'o dseà Israel e jmóor, jogui cuøø'øre bí' e laco' nijmitir' laco' si'í' e jo. ¹⁵ Dsu' Fidiée' caguúin̄' jnea' e ni'uíin̄n dseà quiá'r latí' jii' ie' nú'gui niliseem'baa, jogui co' eáam' 'neáaiñ' jnea' joba' catø'r jnea' e nijmee' e ta' quiá'r. Jo mi' catf' í' e iing' ¹⁶ Fidiée' e niliñii' e Jesús líing' Jōor', joba' calicuúin̄nre e laco' jnea' niguiaa' e júu' quiá' jial láaiñ' dseà jee' jalé' dsee' quiá'r, jo nijmee' e jo jee' jaléng' dseà i ja' líing' dseà Israel. Dsu' ie' jo

ja' cangó'o fa' e cangojmingí' dseà jiéng' quiá' e júu' jo, ¹⁷ o'gui ngó'o fí' Jerusalén ladsifí' cajo e ngosiin̄n e júu' do cōo' jaléng' dseà i líing' dseà apóo' quiá' Dseà Jmáang' lajee' nú'gui e niliín̄n lajo cajo. Dsu' ja' cajmé' e lajo, co' dsifí' ladob cangó'o fí' Arabia fí' lí' ja' 'ga' lí' dseà seeng', jo mi' cangf' jo, caquim' túu' fí' Damasco.

¹⁸ Jo mi' cangf' 'ni' jii' e calicuúin̄n Dseà Jmáang', joguiba' cangó'o fí' Jerusalén e cangojmicuúin̄n Tá' Simón, jo cōo' íb' cataan̄n jii' gui'niá' jmiñ'. ¹⁹ Jo fí' jo, lajii' Tiáa' i rúng' Fii' naa' Dseà Jmáam'bing' camán̄n, jo ja' camán̄n dseà apóo' quiá' Dseà Jmáang' i jiéng'gui. ²⁰ Jogui dseáng' nitab' dsii' fí' quini' Fidiée' e jalé' e jmo'o la dseáng' e jáb', co' ja' fá'a júu' ta' júu'.

²¹ Jo mi' cangf' e táan̄n fí' Jerusalén, joguiba' cangó'o fí' lí' se' Siria cōo'gui fí' lí' se' Cilicia. ²² Dsu' ie' jo, jaléng' dseà quiá' Dseà Jmáang' i neáang' fí' lí' se' Judea ja' mí' cuúin̄' jnea' dseáng' quini' lana. ²³ Jo lico' núu' i dseà do e fé' dseà jiéng' lala uii' quie' e: "I dseañu' i jmáng' jneaa'aa' ga' ie' lami' jéeng'gui do, lana ningir' guiar' júu' quiá' Dseà Jmáang' røøb' laco' jii' júu' e já' líí' jneaa'aa' do, jo ie' lami' jéeng'gui do cartí' jngam'bre jaléng' dseà i já' líing' júu' jo, co' lami' iin̄' dseáng' ni'íim' e júu' do conguiá'." ²⁴ Joba' i dseà í' jmiñiñ' Fidiée' uii' e nicalisíim' jnea'.

Mi' ca'íng' dseà apóo' quiá' Dseà Jmáang' i caguiaang'gui do júu' quiá' Paa'

2 Jo mi' cangf' guiqui' jing' lajo, cangób' túu' fí' Jerusalén

colíing~ cóo~ jaang` dseà rú'naa'
dseà quiá' Dseà Jmáang~ i sii`
Bernabé, jo jeem~ bíi jaang`gui
dseà rú'naa' i sii` Tito cajo.

²Dsu' cangó~baa fí jo, có' lajob
júu' cajmea' Fidiéé~ jnea~. Jo mi`
caguié~ e fí Jerusalén, caseáng'naa'
fí cóo li` ja` 'ga' lí' dseà jòò~ cóo~
cóo tú~ míing'~ dseà i si'neaang`
i teáng~ nifí quiá' dseà quiá'
Dseà Jmáang~ fí do, jo lajee~ jo
caffí ire lajii'~ júu' e guiaa~ jee~
jaléng' dseà i ja` líing' dseà Israel
e quiá' jial laang` dseà jee~ dsee~
quiá'r~. Dsu' cajmé~ e lajo, có' ja`
iin` n e ja` ni'íng' i dseà teáng~ nifí
do jalé' ta~ e nicajmé~ e, có' song
lajo, joba' ja` ni'íng' jaléng' dseà
caguiaang~ gui e ta~ e nicajmé~ e do
jóng. ³Dsu' jalém' dseà i quié~ nifí
quiá' dseà quiá' Dseà Jmáang~
fí Jerusalén røøb` casíiñ~ cóo~
jneá~, jo ja` cajméer` laguidseaang`
e ni'íng' Tito e li` fí ngúu' táaiñ`
lí' laco' qui' tting` dseà Israel e
jmóor, có' dseà griegob liiñ' do
jo ja` líiñ' dseà Israel. ⁴Dsu' e já',
i líing~ dseà i jmicaang~ e líiñ'
dseà quiá' Dseà Jmáang~ cali'iñ~
fa' Tito ni'íñ' e li` fí ngúu' táaiñ`
do lí' laco' litíng` dseà Israel. Jo i
dseà do cangotáaiñ~ jee~ jnea' e
laco' cár` cuente jial guiá' see~naa'
la'eáng' e cajáang~ yee~naa' fí
jaguó' Dseà Jmáang~, có' i dseà
do iin` fa' jnea' nisíi'naa' røø`
e dseáng' 'né~ nijmití~túu' e
júu' quiá' ta~ quiá' Moi' do e
laco' ni'íing~ dsee~ qui'naa'. ⁵Dsu'
dseáng' ja` cajmití'naa' jíi' cóo`
laco' iing~ i dseà i jmicaang~ do e
laco' ja` nilisfíng~ júu' quiá' Dseà
Jmáang~ e guia'naa' jee~ 'nú' quiá'

jial laang` dseà jee~ dsee~ quiá'r~, có'
ii'naa' e ta~ óo'na' e dseáng' jáb' e
júu' jo, jo cóo~ jíi' e júu' job laang`
dseà jee~ jalé' dsee~ quiá'r~.

⁶Jo lajaléng' dseà i si'neaang`
e teáiñ~ nifí quiá' dseà quiá'
Dseà Jmáang~ ja` cajíñ' fa' e jnea~
nijmisíiñ`n lajii'~ e júu' e guiaa~ do.
Dsu' ja` e líi' quié~ jnea~ ii` i dseà í,
có' røøb` líi'naa' lajalé'naa' fí quini'
Fidiéé'. ⁷Jo ja` cajmée~ i dseà do fa'
cajmisiíiñ~ lajii'~ júu' e guiaa~ do,
có' calilí'bre e Fidiéé'bing' cacuø'
jneá~ e ta~ e jmóo` la lana quiá' e
guiaa~ e júu' jo fí quini' jaléng'
dseà i ja` líing' dseà Israel, jo lajobi
Fidiéé' cajo cacuø'bre Tú' Simón
ta~ guia' e júu' jo fí quini' jaléng'
dseà i líing' dseà Israel. ⁸Jo calilí'
i dseà do e Fidiéé'bing' ca'náang~
Tú' Simón e niliñ~ dseà apóo' quiá'
Dseà Jmáang~ i guia' júu' quiá'
dseà do jee~ jaléng' dseà Israel, jo
lajob cajo ca'náang~ Fidiéé' jnea~
e niliñ~n dseà apóo' quiá' Dseà
Jmáang~ e laco' niguiaa~ e júu' jo
jee~ jaléng' dseà i ja` líing' dseà
Israel.

⁹Jo Tiáa~ cóo~gui Tú' Simón
jogui Juan i si'neaang` e líiñ' dseà
teáng~ nifí jee~ jaléng' dseà quiá'
Dseà Jmáang~, í'bing' i calilí' e
Fidiéé'bing' i cacuø' jnea~ e ta~ jo e
iáng` dsíir'. Jo laco' calita~ dsíi' i
dseà í e røøb' ta~ jmoo'naa' cóo'r~,
có' røøb' júu' e guia'naa' do, joba'
casá'bre guóo'naa', jnea~ cóo~
Bernabé, jo catigua' júu' qui'naa'
e jnea' nidsijmó'naa' ta~ guia' júu'
quiá' Dseà Jmáang~ jee~ jaléng'
dseà i ja` líing' dseà Israel, jogui
i dseà í nidsijméer~ ta~ lajob cajo
jee~ jaléng' dseà i líing' dseà Israel.

¹⁰Jo jíi~ laba' casí~ guir jnea^ e nijmigiúeng' dsi'naa' e jmicóo~naa' jaléng' dseà quiá~ Dseà Jmáang~ i tiíing~ i neáang' fí' Jerusalén, dsu' jnea^ jéem' nicajmí'úung'naa' e jmoo~naa' lajo.

**Mí~ ca'gaang' Paa~ quiá~ Tú~
Simón fí' Antioquía**

¹¹Jo mí~ cangí jo, cangó~o fí' Antioquía, jo lajee' job caguié' Tú~ Simón fí' jo, jo cajíim~baare dseáng' fí' quinir~ lana, co' ja' dseeng' jalé' e cajméer' do. ¹²Co' lajee' e ná~gui niguilíing~ coo' tú~ máing' dseà Israel i cuíng' rúng' cóo' Tiáa~, colíim~ gø' Tú~ Simón cóo' jaléng' dseà quiá~ Dseà Jmáang~ i ja' líng' dseà Israel. Dsu' mí~ tí' lí' caguilíng~ í', cajíim~ 'niia'r' cóo' i dseà i ja' líng' dseà Israel do, o'gui gø'guir colíing~ cõoíin~ do cajo, co' 'góm' bre jaléng' dseà Israel i quiu' ta~ e tóo' lí' fí' ngúu' táang' jaléng' dseà i ja' líng' dseà Israel. ¹³Jo i dseà Israel caguiaang~gui i neáang' fí' Antioquía i líng' dseà quiá~ Dseà Jmáang~ canaaín' éer' laco'gui Tú~ Simón nañi' fa' niñi' bre'r e ja' dseeng' jalé' e jmóor' do, jo lati' Bernabé canaaín' éer' lajo ie' jo cajo. ¹⁴Dsu' mí~ calilí' i e ja' røø' ta' ée' i dseà do, co' ja' cøøng' røø' cõo' júu' quiá~ Dseà Jmáang', joba' ca'gaan~ quiá~ Tú~ Simón fí' quini' jaléng' dseà quiá~ Dseà Jmáang~ i teáang~ do ie' jo, jo caffí' ire lala: "Nu' calisén' e lin' dseà Israel, jo nicajmee' e lafa' ja' lin' dseà Israel, dsuco' jo' jmití' laco' jíi~ laco' qui' tting' dseà í' mí~ caquié' cõo' dseà i ja' líng' dseà Israel. Jo çjiali' lana iin' e niquiá' ta' laguidseang^

quiá~ jaléng' dseà i ja' líng' dseà Israel e laco' nijmitir~ jíi~ laco' qui' tting' dseà Israel jo lajoba' ufiin~ dseà quiá~ Dseà Jmáang'? Dseáng' ja' dseeng' laco' í' o'."

**Jial íng' Fidié~ dseà e ja'
røøin' dsee' fí' quinir~**

¹⁵Jogui 'nu', Tú~ Simón, colíing~ cõo' jnea~, dseà Israel líi'naa' lati' mí~ cangáam~baa', jogui ja' líi'naa' la líng' dseà i ja' líng' dseà Israel i í' dsi'naa' e líiín' dseà dsee~ dseà qui', co' ja' jmitir~ jalé' júu' quiu' ta~ quiá~ Moi' e qui' tting'naa' dseà líi'ii' dseà Israel. ¹⁶Dsu' jneaa~aa' nine~baa' røø' e ja' íng' Fidié~ jíi~ jaang' dseà e líiín' dseà i ja' røøng' dsee~ dsu' ufi' e jmitir~ e júu' quiu' ta' do, co' nine~baa' e jíi~ e jáang' yee'naa' fí' jaguó' Dseà Jmáam~, lajoba' íng' Fidié~ jneaa~aa' e ja' dsee~ røø~naa' fí' quinir'. Co' Fidié~ jíi' e jíi~ jaang' dseà líiín' dseà i ja' røøng' dsee~ fí' quini' dseà do dsu' ufi' e jmitir~ júu' quiu' ta' quiá~ Moi'.

¹⁷Jo song jmi'úung'naa' jial ni'íng' Fidié~ jneaa~aa' e ja' dsee~ røø~naa' fí' quinir' la'eáang' cõo' Dseà Jmáang~, jo lajee' job calilí'naa' e líi'ii' dseà dsee~ dseà qui' cajo, co' ja' cajmití'naa' e júu' quiu' ta' do, dsu' o' Dseà Jmáang~ dseà cajméer' e jneaa~aa' calilí'naa' lajo. ¹⁸Jo dseà dsee~ dseà quib' lín'n song já' nilíng' túu e ja' dsee~ røø~ fí' quini' Fidié~ dsu' ufi' e jmitii' e júu' quiu' ta' quiá~ Moi' do mí~ cangí e nicajáang' 'niá'a' fí' jaguó' Dseà Jmáang~. ¹⁹Dsuco' jnea', lana líi' lafa' ni'liim~baa, co' jo' seen~ e e júu' do quiu'gui ta' quié'e, dsu'

lanagui niseen e jmóo'ò lajii' e iing' Fidiée'. Jo mi' catáng' Dsea' Jmáang' fí' dse' crúu', joba' líí' lafa' røøb' catán' n' còo'r'. ²⁰ Jo jò seen' e laco' iin' n' ñiá' a' lana, cò' Dsea' Jmáam' nijmicòo' jnea' e seen' laco' iing' ír'. Jo niseen' fí' jmigüi' la la'eáang' e cajáang' ñiá' a' fí' jaguó' Dsea' Jmáang'. Jo íb' cajo' i' cajmi'neáang' jnea' jò cartí' cacuøøng' ñia'r' e cajúin' fí' dse' crúu' uii' dsee' quie' e. ²¹ Jo ja' niguiaa' ca' lajii' e guiúng' Fidiée' còo' jnea'. Jo faco' jaang' dsea' quíi'r' jmií' e ni'íng' Fidiée' ír' e ja' røøin' dsee' dsu' uii' e jmitir' e júu' quii' ta' quíá' Moi' do, joba' ja' cali'né' e cajúng' Dsea' Jmáang' uii' dsee' quí' ii' faco' lajo'.

Jna' e la guíng'gui

3 i' jmicaang' 'nú', dsea' gálatas! ðJialí' ca'uíng' e cajgiéeng' óo'na' e jò 'ga' lí' núu' na' júu' quíá' Dsea' Jmáang' Dsüco' lajee' e nicaguiá' jnea' júu' quíá' Dsea' Jmáang' jee' 'nú', røøb' nica'ée' naa' 'nú' e uuing' e catáng' Dsea' Jmáang' fí' dse' crúu'. ² Jo jii' jò iin' n' e jmiguiéng' áa'na' e ja' ca'íng' na' Jmiguí' quíá' Fidiée' la'eáang' e jmití' na' júu' quii' ta' quíá' Moi', cò' ca'íim' ba' dsu' la'eáang' e cajáang' yaang' na' fí' jaguó' Dsea' Jmáam'. ³ Dseáng' bõ' jiu' líng' na', cò' la'uii' ca'uíng' na' dsea' quíá' Dsea' Jmáang' la'eáang' còo' Jmiguí' quíá' Fidiéeb', jogui' lana líng' na' e quíi' ba' jmií' e seem' bi' còo' Dsea' Jmáang' la'eáang' còo' jii' bí' quíi' na' yaang' na'. ⁴ Jo ja' e ta' cali'íng' quíi' na' lajii' e ca'íng' na'

quíá' Fidiée' lajee' líng' na' dseá' quíá' Dseá' Jmáang' song lanagui ni'íng' na' nicá' na' fí' jié'b'. ⁵ Joba' mi' cuø' Fidiée' 'nú' Jmiguí' quíá'r' laco' si'í' jogui' jmóor' jalé' e quíi'r' jmií' jee' 'nú', dsu' ja' cajméer' lajo' uii' 'nú' jmití' na' e júu' quii' ta' quíá' Moi', cò' cajméer' bre lajo' dsu' la'eáang' e cajáang' yaang' na' fí' jaguó' Dsea' Jmáang' mi' cangí' e canúu' na' júu' quíá' bre.

⁶ Jo güiguiéng' áa'na' jial' calí' còo' 'lii' yúu' Abraham, cò' lalab fé' Fidiée' fí' ni' jì' quíá'r': "Dseáng' jáb' calíng' yúu' Abraham júu' quie' e, joba' ca'íin' nre e líiín' jaang' dsea' i' ja' røøng' dsee'." ⁷ Joba' güiguiéng' óo'na' cajo' e doñi' ii' dsea' i' dseáng' jáng' 'ñia' fí' jaguó' Fidiée', jii' íb' dsea' i' líng' joo' 'lii' yúu' Abraham. ⁸ Cò' lami' jéeng' gui fé' Fidiée' fí' ni' jì' quíá'r' e ni'ím' bre jaléng' dsea' i' ja' líng' dsea' Israel e líiín' dsea' i' ja' røøng' dsee', dsu' lajii' i' dsea' i' jáng' yaang' fí' jaguó' bre. Jo lanab líí' e júu' jlo' quíá' Fidiée' e cacuø'r' 'lii' yúu' Abraham mi' cajjín' fí' ni' jì' quíá'r' lala: "Ni'ee' guie' còo' lajii'ng' dsea' seeng' fí' la'úng' fí' jmigüi' la'eáang' còo' 'nú', Abraham." Jo lanab jii' líí' júu' quíá' Fidiée'. ⁹ Jo lajoba' jaléng' dsea' i' nijáng' yaang' fí' jaguó' Fidiée' lí' laco' gui' cajáng' 'ñia' 'lii' yúu' Abraham, joba' guiáb' ni' é' Fidiée' còo' jaléng' dsea' í'.

¹⁰ Jogui' jaléng' dsea' i' í' dsí' e Fidiéeb' ni'íng' ír' e líiín' dsea' i' ja' røøng' dsee' la'eáang' e jmitir' júu' quii' ta' quíá' Moi', joba' nibíib' Fidiée' quíá' i' dsea' í', cò' lalab fé' fí'

ni~ jì quiá'r: "Dseáng' nibíib Fidiée' quiá' jaléng' dseà i ja jmiti~ dseáng' røø contøøng~ jalé' júu' quiu' ta~ quiá'r e ca'íng' Moi'". Jo dsu' júi~ jaang' dseà quí'~ jmií~ nijmér~ lajo. ¹¹Joba' nine~baa' røø e ja íng' Fidiée' júi~ jaang' dseà e liiñ' dseà i ja dsee~ røøng' dsu' uúí' e jmitiñ' e júu' quiu' ta~ quiá' Moi'; dsuco' lalab fé' fí ni~ jì quiá' Fidiée': "Jo la'eáang' e ja' líng' jaang' dseà júu' quiá' Fidiée', joba' Fidiée' íñ' i dseà í e liiñ' jaang' dseà i ja røøng' dsee~ fí quinir'." ¹²Jo e fí ni~ júu' quiu' ta~ quiá' Moi' do ja fé' e 'né~ nijáng' yaang' dseà fí jaguó' Fidiée'; dsuco' lalab fé' e júu' quiu' ta~ do: "Jaléng' dseà i jmiti~ dseáng' røø contøøng~ e júu' jo, joba' la'eáang' cóo' e júu' dob seeiñ' cajo." ¹³Jo Dseà Jmáam~ caquiir' dsee~ quí'ii' e laco' ja cabíing~ Fidiée' jneaa'aa', dsu' o' uúí' e cajmití'naa' dseáng' røø contøøng~ laji júu' quiu' ta~ quiá' Moi', co' caquiir' dsee~ quí'ii' la'eáang' e cabíing~ Fidiée' ír' cuaiñ' quí' jneaa'aa', dsuco' lalab fé' fí ni~ jì quiá' Fidiée': "Mí~ júung~ dseà fí dse' crúu', joba' cuø lí' e Fidiéeb' bíi~ quiá'r'". ¹⁴Dsu' la'eáang' e caquí' Dseà Jmáang~ dsee~ quí'ii' fí dse' crúu', lajoba' ée Fidiée' guí~ cóo' jaléng' dseà i ja líng' dseà Israel laco'gui nica'eér' guí~ cóo' 'lii' yúu' Abraham lamí~ jéeng'gui eáang' cajo. Jo co' Dseà Jmáang~ caquí' dsee~ quí'ii' fí dse' crúu', lajoba' ni'íing'naa' Jmiguí' quiá' Fidiée' la'eáang' e cajáang' yee'naa' fí jaguór', co' lajob júu' nicacuø'r' jneaa'aa' lamí~ jéeng'gui.

Mí cacuø' Fidiée' júu' 'lii' yúu' Abraham

¹⁵Joba' fíi~ guí' 'nú', dseà rú'naa' dseà quiá' Dseà Jmáang~, coø'gui

júu' e laco' cuøøng' lí' síng' dseà: Facø' jaang' dseà líing' eè júu' síiñ' cóo' jaang'gui dseà, jogui caráang~ mají quiá'r~ quiá' e júu' do, jogui catéer' niguóor' ni~, jo mi~ ningf jo, joba' jo cuøøng' fa' nijgiéeng~gui jíi~ camí' júu' laco' jíi~ nitoo' e ni~ mají do. ¹⁶Jogui Fidiée' cajmirør' júu' cóo' 'lii' yúu' Abraham cóo'gui jaang' dseà siju' dseà do. Güiliñ' b' cajo e ja tóo' fí ni~ jì quiá' Fidiée' fa' e cajmirør' e júu' do quiá' fíing' dseà siju' Abraham, co' quiá' jaam' dseà e fé' e fí ni~ jì do, jo íb' Dseà Jmáang~. ¹⁷Joba' fíi~ guí' 'nú' e júu' la: Fidiée' cacuø'r' júu' 'lii' yúu' Abraham jogui cajmirør' júu' cóo' dseà do cajo. Jo mi~ cangf'gui cuatrocientos treinta jii' lajo, ca'íng' Moi' júu' quiu' ta~ quiá' Fidiée'; dsu' e júu' jo ja quí' jmií' fa' niguiéng~ ca' e júu' e cajmirø' Fidiée' cóo' 'lii' yúu' Abraham do lamí~ jéeng'gui, o'gui quí' jmií' ni'náng~ e jo ta' íing' e júu' jo cajo. ¹⁸Facø' jalé' e cuø' Fidiée' jneaa'aa' do íing'naa' la'eáang' e jmití'naa' e júu' quiu' ta~ quiá' Moi' do, joba' ja cacuø' Fidiée' e íaang' dsír' e jo facø' lajo. Dsu' Fidiée' cajmiti~bre e júu' e cajmirør' cóo' 'lii' yúu' Abraham e íaang' dsír', co' lajob júu' nicacuø'r' dseà do lamí~ jéeng'gui.

¹⁹Joba' laco' cuøøng' fe'ee', çjie~ lí' íing' ta~ júu' quiu' ta~ quiá' Moi'? Co' cacuø' Fidiée' e júu' quiu' ta~ do mi~ cangf' e cajméer' júu' cóo' 'lii' yúu' Abraham e laco' nililí' dseà jmigüí' e røøiñ' dsee~. Jo cali'ím' ta~ e jo cartí' cagüéng~ i dseà siju'r' do, co' e júu' e cajmée' Fidiée' cóo' 'lii' yúu' Abraham

lamĩ jéeng'gui do fé' cuaiñ̃ quiá' i dseá sijũr̃ dob. Jo la'uiĩ cangíng' Fidiéé quiá' jaléng' ángeles i líng' guotiir̃ e júu' quiu' ta' do, jo í'gui cangíiñ̃ quiá' Moĩ, jo Moi'gui cartí quinĩ jaléng' dseá Israel. ²⁰Dsu' ja' fa' dseáng' la guíng' 'neáng' i dseá i ningíng' e júu' do mĩ e júu' jo jaa' tí' quinĩ jaam' dseá, co' 'ñiab' Fidiéé cangíiñ̃ e júu' jo fí' quinĩ Abraham.

Ẽ uiiing̃ e júu' quiu' ta' quiá' Moĩ

²¹Jo ¿su cuòom̃ fe'ee' e e júu' quiu' ta' quiá' Moĩ do ja' còong' røø' còo' e júu' e cajmèé Fidiéé còo' 'liĩ yúu' Abraham do? iŨ, ja' líí' lajo' Dsuo' faco' e júu' quiu' ta' do cuø' e seeng' dseá cøong' còo' Fidiéé, joba' faco' lajo cuòom̃ sea' lí'ing' Fidiéé dseá e líiñ' dseá i ja' røong' dsee' song jmitir̃ jalé' e júu' jo. ²²Dsu' lí' laco' fé' Fidiéé fí' nĩ jì' quiá'r̃, e lajiim̃ dseá jmigüí' dseáng' jmitir̃ lajiĩ ta' quiu' dsee' quiá'r̃, jo lajoba' Fidiéé' nicuø'r̃ jaléng' dseá i cajáng' yaang' fí' jaguó' Dseá Jmáang' lí' laco'gui júu' cacuø'r̃ lamí' jéeng'gui. Co' lajob júu' cajmirø' Fidiéé lajiĩ ie' mĩ nú' gui e nicuø'r̃ Moĩ júu' quiá'r̃.

²³Jo lajee' nú' gui e nigüéeng' Dseá Jmáang' fí' jmigüí' la e laco' já' nilí'naa' júu' quiá'r̃, joba' e júu' quiu' ta' quiá' Moĩ do jéeng' jnea' lafa' 'núum' baa' la'ó' líí'naa' dseá Israel cartí mĩ já' calí'naa' e cagüéng' Dseá Jmáang' i caleáang' jnea' jee' dsee' qui'ii'. ²⁴Jo laco' jaang' tiquiá' jiuung' jéeiñ̃ dseá 'léeng' i jmóó' í' quiá' jiuung' quiá'r̃, jøgui lajob e júu' quiu' ta'

quiá' Moĩ do quie' nifi' qui'ii' cartí mĩ catí' í' e calicuíng'naa' Dseá Jmáang', jøgui ca'íng' Fidiéé' jnea'aa' e líí'naa' dseá i ja' røong' dsee' la'eáang' e cajáang' yee'naa' fí' jaguó' Dseá Jmáang'. ²⁵Dsu' lanagui e nicajáang' yee'naa' fí' jaguó' dseá do, joba' jo' ga' lí' quie' nifi' qui'naa' e júu' quiu' ta' do.

²⁶Dsuo' jnea'aa', la'eáang' e nicajáang' yee'naa' fí' jaguó' Dseá Jmáang', joba' nilí'ii' jøo' Fidiéé lana. ²⁷Jo la'eáang' e nicajgáang'naa' jmiñ̃ e cuø' lí' e líí'naa' dseá quiá' Dseá Jmáang', joba' nilí'naa' lafa' jaam' dseá còo'r̃ lana. ²⁸Jo jaléng' dseá quiá' Dseá Jmáang', ja' e líí' si líí'naa' dseá Israel osi o' lajo' é, si dseá si'niim̃ bí' é osi o' lajo' cajo, si líí' bíi' dseañu' osi dseam̃ é; dsuo' song see'naa' cøong' colíing' còo' Dseá Jmáang', joba' lafa' jaam' dseá líí'naa' lajalé'naa' còo'r̃ jóng. ²⁹Jo co' dseá quiá' Dseá Jmáam' nilí'guíí', joba' dseá siju' 'liĩ yúu' Abraham líí'ii' cajo, joba' dseáng' catí' baa' lajiĩ e cajíng' Fidiéé e nicuø'r̃ dseá quiá'r̃ lamí' jéeng'gui.

4 Jo e laba' iiñ n fíi' guíí' 'nú': Faco' jaang' dseá seeng' jaang' siming' jiuung' quiá'r̃, jo lajiĩ e sea' quiá' i tiquiá'r̃ do, joba' i siming' jiuung' dob nilí' quiá' mĩ niféng'guir̃; jo dsu' lajee' e jiuuiñ̃ do, líí' lafa' e o' quiá' bre, nañi' fa' e quiá' bre'r̃ mĩ niféiñ'. ²Jo lajee' jo i jiuung' do dseá jiém' to' fíng' ír̃ jøgui dseá jiém' néé' nĩ e sisée' quiá'r̃ do. Jo lí' mĩ catí' í' lajiĩ júu' casée' tiquiá' i jiuung' do, joba' nicuøng' jmeá'r̃ ta' lajiĩ e casée' dseá do. ³Jo lajob cangongíi'

jneaa'aa' cajo, lajee' e líí'naa' lafa' jiuung~, nú'gui e nilicuíng'naa' Dsea' Jmáang~, e dseáng' 'né' jmití'baa' jalé' e quiu' ta' quí'ii' e qui' tíí'naa' fí' jmigüü' la. ⁴Dsu' mi' catí' í' lajo, joba' casíing' Fidiée' Jóor' Dsea' Jmáang' fí' jmigüü' la e caliséiñ' laco' liseeng' lí' doñí' ii' dsea' jmigüü'. Jogui co' dsea' Israel lííiñ', joba' 'né' jmiti'bre e júu' quiu' ta' quiá' Moi' do. ⁵Jo lajoba' caleáaiñ' jnea', dsea' líí'naa' dsea' Israel e dseáng' 'né' jmití'baa' e júu' quiu' ta' do e laco' ni'íng' Fidiée' jnea' e líí'naa' jóor'. ⁶Jogui calili' e nilíí'naa' jóo' Fidiée', co' Fidiée' casíiñ' Jmiguí' quiá'r' la'eáang' cóo' Jóor' Dsea' Jmáang' fí' dsi'naa' lajaang' lajaang'naa'; joba' la'eáang' e Jmiguí' quiá'r' Fidiée' do fé'l'naa' lala e íaang' dsi'naa': "iTeaa'! iTeaa'!" ⁷Jo lajob líí', jo líí'guí' dsea' i jmiti' jalé' ta' quiu' e qui' tíí'naa' fí' jmigüü' la, co' lana nilíí'naa' jóo' Fidiée' lajaang' lajaang'naa', jo lajoba' niñíing'naa' e nicajjín' lami' jéeng'gui e nicuø'r' dsea' quiá'r'.

Jial guing~ dsíí' Paa' jaléng' dsea' quiá' Dsea' Jmáang' i seeng' fí' lí' se' Galacia

⁸Dsu' lami' jéeng'gui, lajee' nú'gui e calicuíng' 'nú' Fidiée', lííng'na' lafa' dsea' si'niing' uíi' e jmití'na' jalé' e qui' tííng'na' jmoo'na' cóo' jaléng' diée' i o' já'. ⁹Dsu' lanagui nicalicuím'ba' Fidiée', osi laco' cuøøng' fe'ee', e dsea' íb' dsea' i nicalicuíng' 'nú'. Joba' çjiali' e nijmití'tu' calé' catú' jalé' e qui' tííng'na' do? Co' e jo ja' jíé' lí' ííng' ta' quí'na' jii' cóo'.

¹⁰Co' 'nú' jmi'goo'na' jalé' jmi' osi jalé' si' osi jalé' jii' é. ¹¹iJoba' eáam' guing~ dsii' 'nú' fíng song ja' cali'íng' ta' jii' cóo' lajii' ta' e nicajmé' e jee' 'nú'!

¹²Joba' mii' i 'nú' la guíng', dsea' rú'naa' dsea' quiá' Dsea' Jmáang~, e nijmée'na' laco'gui nicajmé' jnea' e jo' jmití'tu' lajii' e qui' tííng'na' do. Dsu' 'nú'gui, eáam' guíá' nica'ee'na' cóo' jnea'. ¹³Jogui niñí'bi' cajo e jmohuú' quiéé' mi' canaan' guiaa' júu' quiá'r' Dsea' Jmáang' jee' 'nú' e quiá'r' jial laang' dsea' jee' dsee' quiá'r'. ¹⁴Dsu' ja' e líí' e gab' e jmohuú' e quiéé' do, co' 'nú' ja' cajmee'na' fa' e ja' cajmijíing'na' jnea' o'gui ca'naang'na' jnea' ca' dsu' uíi' e líí'n' e jmohuú' do. Co' 'nú' guíáb' ca'íng'na' jnea' laco'gui íng' dsea' jaang' ángel i lííng' guotii' Fidiée' i casíing' dsea' do, osi laco' Dsea' Jmáang' 'nia'bir é. ¹⁵Jo çjie' fí' ca'í' e jmi'íáang' óo' 'nú' cóo' jnea' ie' do? Co' lanagui jo' ga' lí' íáang' óo'na'. Dsuo' cuøøm' fál'a uii' quí'na' ie' do e dseáng' lafa' niguí' 'nú' jminí'na' e nicuø'na' jnea' e laco' cuøøng' e nijmicóo'na' jnea'. ¹⁶Jogui lanagui líí' lafa' e ni'ní' máam'baa' 'nú' dsu' uíi' e fón'n 'nú' e júu' já' la.

¹⁷Jo i dsea' i ííng' nijmisiíng' e júu' e quiá'r' jial laang' dsea' jee' dsee' quiá'r' iíñ' e nigüütáang' 'nú' cóo'r', jo dsu' jaléng' i dsea' í ja' í dsíir' laco' catíng~, co' lico' iíñ' e nimáang' 'nú' jnea' 'níb'. ¹⁸Dsu' guíáb' cajo song seeng' dsea' i ííng' e nigüütáang' 'nú' cóo'r', lífa' i dsea' í 'né' í dsíir' laco' catíng' jogui 'né' e contøøm' éer' guíá' cóo' 'nú'

lí^h laco'gui ee⁻ jnea⁻ mi⁻ táanⁿ jee⁻
'nú^h.

¹⁹Dsea⁻ rú^hnaa' i iin⁻ eáang[´],
calé^h catú⁻ caa⁻ iihu^hí^h uui⁻ qui^h 'nú^h
laco'gui iihu^hí^h íng^h jaang[´] dseam^h
mi⁻ liseeng[´] jjuung⁻ quiá^hr⁻; jogui
caa⁻ e iihu^hí^h do cartí^h Dsea⁻ Jmaang⁻
nicuø^hr⁻ 'nú^h e ni^huíng⁻na^h dseáng^h
dsea⁻ quiá^hr⁻. ²⁰iJo eáam[´] iin⁻ e
táanⁿ jee⁻ 'nú^h lana, co^h jié^hgui lí^h
e sii⁻naa' dseáng^h quini^hna' lana; co^h
ja ñii⁻ ee⁻ ni^hf^h dsii⁻ uui⁻ qui^hna'!

E⁻ calí⁻ cóo^h Agar jogui Sara

²¹Jogui iin⁻ e ningii⁻na' quie⁻ e
e júu^h la, jaléng^h 'nú^h i dseáng^h
iing⁻na' jmití^hna' júu^h qui^h ta⁻
quiá^h Moi⁻. Jo ÷su ja^h mí^h cangáng^h
'nú^h jial lí^h e júu^h jo? ²²Co^h jee⁻ e
júu^h jo fé^h e i^h líi⁻ yúu^h Abraham
do caliséng[´] gáng⁻ jóo^hr⁻, jaang[´] i
caliséng[´] cóo^h jaang[´] dseam^h i sii⁻
Agar i si^hniing⁻ i jmóo⁻ ta⁻ hu^hí^h e
ja^h 'léeng^h, jogui i jaang[´]gui do
caliséng[´] quiá^hr⁻ cóo^h dseáng^h
dseam^h quiá^hr⁻ i sii⁻ Sara i néé⁻ ni⁻
jaléb^h e oor⁻ cóo^h dseañu^h quiá^hr⁻.
²³Jo i jóo^h i dseam^h i si^hniing⁻ do
caliséiñ⁻ laco'gui liseeng[´] lí^h doñi^h
ii⁻ jóo^h dsea; jogui i jóo^h dseáng^h
dseam^h quiá^h 'líi⁻ yúu^h Abraham
do caliséiñ⁻ lajob cajo, dsu^h lí^h laco'
niliti⁻ lajii⁻ júu^h e nicacuø^h Fidiée^h
ír⁻ lamí⁻ jéeng[´]gui. ²⁴Jo dsu^h liim⁻ ee⁻
guóng^h jalé^h e la; dsuco^h laj^h gáng⁻
i dseam^h do liim⁻ ee⁻ júu^h sisée^h
quiá^hr⁻ lajaang[´] lajaañ⁻. Jo i dseam^h
jaang[´] i sii⁻ Agar do cuø^h cóo^h lí^h
quiá^hr⁻ quiá^h lajii⁻ júu^h e cajmirø^h
Fidiée^h cóo^h Moi⁻ fí^h yú^h mó^h
Sinaí; joba^h jaléng^h dsea⁻ i níing^h
la'eáang[´] cóo^h e júu^h jo líiñ⁻ lafa'
dsea⁻ si^hniim⁻. ²⁵Jogui i dseam^h i sii⁻

Agar do cuø^h cóo^h lí^h quiá^hr⁻ fí^h yú^h
mó^h Sinaí e si^h fí^h Arabia e guóng^h
e jaléng^h dsea⁻ Jerusalén i seeng[´] fí^h
lí⁻ se^h Israel líiñ⁻ lafa' dsea⁻ si^hniim⁻.
²⁶Dsu^h jaléng^h dsea⁻ quiá^h Dsea⁻
Jmaang⁻ i catíing⁻ e fii⁻ Jerusalén
'máí⁻ quiá^h Fidiée^h do ja^h líiñ⁻ dsea⁻
si^hniing⁻. Jogui líi^h lafa' niquí^hbaa' e
fii⁻ jo. ²⁷Co^h lalab fé^h fí^h ni⁻ ji⁻ quiá^h
Fidiée^h:

Jmi'iaang[´] o^h, dseam^h,
'nú^h i ja^h mí^h cangoquieeng⁻
yuu^h;

jogui jmi'iaang[´] a^h cajo e ja^h
mí^h ca'íin⁻ iihu^hí^h laco' mi⁻
liseeng[´] jjuung⁻ quiá^h dsea⁻.

Dsuco^h 'nú^h, dseam^h i catúu⁻
dseañu^h qui^h,
fíing[´]gui jóo^h niliseeng[´]
laco'gui i dseam^h i seeng[´]
dseañu^h quiá^h.

Jo lanab fé^h Fidiée^h fí^h ni⁻ ji⁻ quiá^hr⁻.

²⁸Joba^h fíi⁻ guíi⁻ 'nú^h, dsea⁻ rú^hnaa'
dsea⁻ quiá^h Dsea⁻ Jmaang⁻, jnea⁻aa'
coliing⁻ cóo^h i jóo^h Abraham i sii⁻
Isáa^h do líi⁻naa' jóo^h Fidiée^h e laco'
niliti⁻ lajii⁻ júu^h quiá^hr⁻ e nicacuø^h
'líi⁻ yúu^h Abraham lamí⁻ jéeng[´]gui.

²⁹Jo co^h ie⁻ jo i jóo^h i dseam^h
si^hniing⁻ do cajmeáñ⁻ ga^h i jóo^h
dseam^h quiá^h 'líi⁻ yúu^h Abraham
do i caliséng[´] la'eáang[´] cóo^h ta⁻
quiá^h Jmigu^h quiá^h Fidiée^h, jo lajob
cajo jmóo⁻ dsea⁻ sijur⁻ cartí^h lana e
jmañ⁻ ga^h rú^hñ⁻. ³⁰Jogui quie⁻na'
cuenta lajii⁻ júu^h quiá^h Fidiée^h e
casí^h Abraham: "Uøøng⁻ fí^h qui^h i
dseam^h i si^hniing⁻ coliing⁻ cóo^h jóo^h
do, co^h ja^h catíing⁻ jóo^h i dseam^h do
lajii⁻ quie⁻ quiá^h i jóo^h dseáng^h
dseam^h qui^h i néé⁻ ni⁻ jaléb^h e
sea⁻ qui^h na', yúu^h Abraham." ³¹Jo
lajob líi^h, dsea⁻ rú^hnaa', ja^h líi⁻naa'

lafa' jóo' dseam̄f̄ i si'niinḡ, co' lana nilí'ii' lafa' jóo' dseáng' dseam̄f̄ i ja' si'niinḡ do.

Dseà Jmáam̄bing' láanḡ jneaa'aa' e laco' ja' líí'ii' dseà i lafa' si'niinḡ

5 Joba' fíi'guíi' 'nú', dseà gálatas, e Dseà Jmáam̄bing' caleáanḡ jneaa'aa' e laco' jo' 'ga' lí' quie' nifí' quí'ii' e júu' quíu' ta' quíá' Moí' do. Joba' 'né' e niliseenḡ'na' e silaam̄'ba', jogui jo' cuó' tu' fí' yaanḡ'na' calé' catú' e nijmití' tu' jalé' e júu' jo.

²Jnea' Paa', jo núu'na' júu' quíe' e, jogui quie'na' cuente røø' jalé' e nifí'ii' 'nú', e song cacuóø' fí' yaanḡ'na' e nitø' lí' fí' ngúu' táanḡ'na' laco'gui tånḡ' dseà Israel, joba' ja' e ta' fínḡ' quíi'na' jalé' e cangongfínḡ' Dseà Jmáanḡ' uíi' 'nú' jóng. ³Joba' fíi' túu' 'nú' e lí' doñí' ii' 'nú' i tøø' lí' fí' ngúu' táanḡ', joba' 'né' nijmití'na' dseáng' røøb' lajalé' e júu' quíu' ta' quíá' Moí' do. ⁴Jo' jaléng' 'nú' i fí' dsíi' e Fidiéeb' ni'fíi' 'nú' e lííng'na' dseà i ja' røønḡ' dsee' uíi' e jmití'na' e júu' jo, joba' catiúum'ba' Dseà Jmáanḡ' jogui ca'náam̄' yaanḡ'na' e laco' jo' ni'fíng'na' lajii' e guíúnḡ' Fidiéé' do. ⁵Dsu' jaléng' jneaa'aa' nisita' dsi'naa' e Fidiéé' ni'fíng' jneaa'aa' e líí'naa' dseà i ja' røønḡ' dsee' la'eáang' cøo' Jmíguí' quíá'r jogui la'eáang' e cajáang' yee'naa' fí' jaguó' Dseà Jmáanḡ'. ⁶Jogui song líí'naa' dseáng' lajang' dseà quíá' Dseà Jmáanḡ', joba' ja' e líí' nañí' fa' tøø' lí' fí' ngúu' táanḡ'naa' laco'gui litfínḡ' dseà Israel, dsuco' ja' e quíng' e jo; co' lajii' e quíng' fí' quini' Fidiéé' e jáang' yee'naa'

fí' jaguó' Dseà Jmáam̄' e laco' nijmi'neáang'naa' dseà rú'naa'.

⁷Jogui 'nú', guiúb' lamí' seenḡ'na' cøo' Dseà Jmáanḡ'; dsu' lanagui líim̄ ii' nicatáng' 'nú' júu' e nicatúu'na' e jo' núu'na' lajii' júu' quíá' Dseà Jmáanḡ'. ⁸Dsu' o' Fidiéé' i cajéeng' 'nú' e cajmee'na' lajo, co' dseà do nicatø'r' 'nú' e laco' ni'uínḡ'na' dseà quíá'bre. ⁹Jo' lalab júu' røø: "Cøo' capí' quie'na' nijmé' nirøø' ca' quíá' iñí'". ¹⁰Dsu' jnea' tab' dsii' e la'eáang' cøo' Dseà Jmáanḡ' ni'fí' tu' áa'na' calé' catú' laco'gui fí' dsi' jnea'. Jo' Fidiéeb' nicuó' iihuí' i dseà i jmigøøng' 'nú' cøo' jalé' e 'né' jmití'na', jo' ja' e líí' ii' dseà.

¹¹Dseà rú'naa' dseà quíá' Dseà Jmáanḡ', faco' jnea' guíá' bii' júu' e dseáng' la guíim' 'né' jmé' dseà quíá' Dseà Jmáanḡ' e lí' fí' ngúu' táaiñ' lí' laco' litfínḡ' dseà Israel, joba' faco' lajo, ja' e ta' e jmáng' dseà Israel jnea' ga' jóng. Jo' faco' lajob' jmóo'o, joba' ja' liguínḡ' dseà Israel uíi' quíá' jalé' e júu' e guíaa' quíá' jalé' e cangongfínḡ' Dseà Jmáanḡ' fí' dse' crúu' jóng. ¹²Jogui jaléng' i dseà i ngí' ta' jmigøøng' 'nú' do e quíá' e tøø' lí' fí' ngúu' táanḡ'na', iguíá' gui fa' nidsí'fím'bre congúia' jo' lajoba' nitiúuñ' 'nú'!

¹³Jogui co' 'nú', dseà rú'naa', Fidiéé' catø'r' 'nú' e laco' jo' quíu'gui ta' quíi'na' e júu' quíu' ta' quíá' Moí' do. Jo' co' lajob' lííng'na', joba' jo' jmée'na' lí' doñí' eé' lí' óo'na' yaanḡ'na', co' dseà silaam̄' nilíng'na'. Dsuco' guíá'gui e jmícøo' rúng'na' lajee' la'ó' yaanḡ'na' uíi' e 'neáang' rúng'na'. ¹⁴Co' lajaléb' lí' fé' júu' quíu' ta'

quia' Fidiée', e júu^ laba' eáang'gui liti': "Jmi'neáang' jaléng' dseà rún' lí' laco'gui jmi'neáang' uo'." ¹⁵ Jo song jmoò'na' ta' jíing' osi ta' tíing' cóo'~ jalé' e siing'na', joba' ni'íim~ lajíi' juguiú' júu^ røø e seà jee' 'nú' e cangíng'na' e cacuø' Fidiée'.

Jalé' e lí' dsíi' dseà fí' jmigúí' jogui jalé' e iing' Jmiguí' quia' Fidiée'

¹⁶ Joba' fíi' guíi' 'nú' la guíing', dseà rú'naa': Güiliseem'ba' contøøng~ la'eáang' cóo'~ Jmiguí' quia' Fidiée', jo lajoba' ja' jmiti'na' lajíi' e lí' oo'na'. ¹⁷ Dsucø' jalé' e lí' dsi'naa' do ja' cøøng' røø cóo'~ jalé' e iing' Jmiguí' quia' Fidiée', jogui jalé' e iing' Jmiguí' quia' Fidiée' ja' cøøng' røø cóo'~ jalé' e lí' dsi'naa' do. Dsucø' lají' tú' e na ja' røø cøøng' quia', joba' ja' cuøøng' e jmée' 'nú' lajíi' e lí' áa'na' do. ¹⁸ Dsu' song 'nú' seem'ba' e quie' nifi' Jmiguí' quia' Fidiée' quii'na', joba' e júu^ quiu' ta' quia' Moi' do jo quiu' ta' quii'na' lana jóng.

¹⁹ Jo ja' e huíing' e jóø'naa' quia' jaléng' dseà i' cá' fí' ga' jogui jmóor' lajíi' e lí' dsíir' yaaíi' fa' jalé' e la: mi' 'lée' jaléng' dseañu' osi jaléng' dseamf e güíiín' cóo'~ dseà i' o' quia'r', osi mi' jmóo' dseà jalé' e 'lí' e jié'gui, osi mi' jmóor' jalé'gui e ja' tíi' ta' e quí' tíiín' jmóor', ²⁰ osi mi' jmféng' dseà lí' doñi' eè, jogui mi' jmóor' ta' dseà láang', osi mi' 'ní' ní' dseà quia' jaléng' dseà rúíi'n', osi mi' jmóor' ta' jíing', osi mi' suuíi' laco'gui la líing' jaang'gui dseà, osi mi' jmináb' liguíi'n', osi mi' iín' e í'bre silíi'r' jalé' e seà, osi mi' 'naam'bre quia' rúíi'n' cø' ja' røø síiín', osi mi'

jíi' la'ó' í'bre tí' dsíir' síiín', ²¹ osi mi' dsihuíiín' quia' jaléng' dseà, osi mi' jmóor' ta' jngang' rúng', osi mi' jmóor' ta' í' osi mi' dsíng' cúíi'n', osi mi' jmóo'biguir jalé' e ga' e jié' cajo. Joba' fíi' guíi' 'nú' calé' catú' laco'gui nicafíi' i' 'nú' ie' lami' jééng'gui do e jaléng' dseà i' quí' tíing' jmóo' jalé' e ga' lajo, joba' i' dseà í' ja' niíiín' e Fidiée' quie' nifi' quia'r', jogui ja' niíiín' guíee' quia'r' e cuø' Fidiée' jaléng' dseà quia'r' cajo.

²² Dsu' mi' seeng' dseà la'eáang' cóo'~ Jmiguí' quia' Fidiée', cø' la'eáang' e Jmiguí' doba' jmi'neáang' rúíi'n', jogui e íaang' dsíir', jogui e seeíi' juguiú' júu^ røø cóo'~ dseà rúíi'n', jogui e féng' dsíir' quia' rúíi'n', jogui e guíiín' cóo'~ jaléng' dseà rúíi'n', jogui guíáb' éer' cóo'~ jaléng' dseà rúíi'n', jogui jmiti'bre lajíi' júu^ e cuø', ²³ jogui ja' jmicøøng'~ yaaíi' jee' dseà rúíi'n', jogui ja' jmóor' lajíi' ta' quiu'r' yaaíi'. Jogui lajib' júu^ quiu' ta' cøøng' røø cóo'~ e júu^ la. ²⁴ Jogui jaléng' i' dseà i' líing' dseà quia' Dseà Jmáang' lafa' catø' fí' dse' crúub' jalé' e ga' e jmóor' cóo'~gui jalé' e lí' dsíir' yaaíi', jo lajoba' ca'naam'bre quia' e jo. ²⁵ Jo cø' la'eáang' cóo'~ Jmiguí' quia' Fidiée' nisee'naa', joba' 'né' cuøø' fí' yee'naa' e e Jmiguí' dob quie' nifi' quí'ii'.

²⁶ Jogui ja' 'né' jmicøøng'~ yee'naa' jee' jaléng' dseà o'gui nijmjílong' yee'naa' o'gui nijmó'oo' dsihuíing'naa' quia' jaléng' dseà rú'naa' cajo.

Jmicóo'na' jaléng' dseà rúng'na'

6 Joba' fíi' guíi' 'nú', dseà rú'naa' dseà quia' Dseà

Jmáang̃, song móõ 'nú' e jaang̃ dseà rúng'na' nicatóng' fí nĩ dseẽ, joba' jaléng' 'nú', dseà seeng'na' la'eáang' cóo' Jmiguí' quiá' Fidiée', né̃ nijmicóo' ba' i dseà í e laco' niliseeiñ̃ laco' la seeng' dseà quiá' Dseà Jmáang̃. Jo jmeẽ ba' e guiúng̃ na' cóo'r̃, jogui ñiim̃ áa'na' e laco' ja' güilí e la quie' 'núb' cajo nijjúng'na' fí nĩ dseẽ. ²Jogui jmicóo' rúng'na' cóo' jalé' e huíng' líí' quií'na', jo lajoba' dseáng' nilití' lajii' júu' quiá' Dseà Jmáang̃.

³Jo song jaang' dseà í' dsíir' e niing̃ guir, dsu' o' já' e lajo, có' lico' jmigóong' ñia' bre song í' dsíir' lajo. ⁴Dsuo' lajaang' lajaam' dseà 'né' í' dsíir' su guiú' jalé' e jmóor' osi ja' dseeng' é. Jo song í' dsíir' ñia'r' e guiú' lajii' e jmóor' do, jo song dseáng' lajob líí', joba' ja' 'né' jòor̃ jial jmóo' dseà jiéng'. ⁵Dsuo' lajaang' lajaam' dseà 'né' to' fíiñ̃ lajii' e líí' quiá'r'. ⁶Jogui i dseà i jmitíng̃ júu' quiá' Dseà Jmáang̃ 'né' cuó' bre i dseà i e' quiá'r' do lajii' e catíiñ̃ do e laco' nijmicóo' reiñ̃ do.

⁷Jo ja' jmigóong' yaang'na' cóo' jalé' e jmóo'na', có' jii' jaang' dseà cuóong' lí' jmigóoiñ̃ Fidiée'. Cofa' lajii' e jni' dseà fí nĩ guoo' uó' quiá'r', e job cajo e nisitíiñ̃ mi' niró'. ⁸Jo lajob líí' cóo' i dseà i seeng' laco' lí' dsíir' yaaiñ̃, có' mi' nití' í' quiá'r' e nijúuiñ̃, ni'nám' bre quiá' Fidiée' lata'. Jogui i dseà i seeng' laco' iing̃ Jmiguí' quiá' Fidiée', joba' la'eáang' e Jmiguí' quiá' Fidiée' dob niliseeiñ̃ cøong' cóo' dseà do lata'. ⁹Jogui song cuó' bí' yee'naa' e jmó'oo' jmang' e

guiú', jogui song dseáng' ja' jmitúng̃ dsi'naa' e jmó'oo' e jo, joba' mi' nití' í', ni'fím' baa' guiée' qui'ii' e cuó' Fidiée' jaléng' dseà quiá'r'. ¹⁰Joba' contøom' 'né' jmó'naa' jmang' e guiú' cóo' jaléng' dseà jogui e jmicóo' naa're, dsu' la guíng̃ gui eáang' 'né' jmó'oo' lajo cóo' jaléng' dseà rú'naa' dseà quiá' Dseà Jmáang̃.

Júu' fí 'goo' quiá' Paa'

¹¹Jo jòor̃ na', dseà rú'naa', jial tíí' cóo' e júu' e jmo'ó la quií'na'! ¹²Jo jaléng' i dseà i jmóo' úung' e nitó'na' lí' fí' ngúu' táang'na', jmóor' lajo e laco' nijér̃ guiú' cóo' jaléng' dseà caguiaang̃ gui jogui e laco' ja' nijmeáng' dseà gà ír' uii' quiá' e guiar' júu' e cajúng̃ Dseà Jmáang̃ fí' dse' crúu'. ¹³Jo jii' gui jaléng' i dseà i jmóo' úung' e tóor' lí' fí' ngúu' táaiñ̃ do ja' jmitir' jalé' e júu' quiú' ta' quiá' Moi'. Dsu' jmóor' úung' e 'nú' nitó'na' lí' fí' ngúu' táang'na' e laco' nijmér̃ ráaiñ̃ fí' quini' jaléng' dseà jiéng' e nicalí' bre 'nú' e nicajmee'na' lí' fí' ngúu' táang'na'. ¹⁴Dsu' jnea, jii' cóo' ja' e jmóo'ó ráan' n e jié' gui; có' dseáng' lajii' e calí' cóo' Dseà Jmáang̃ fí' dse' crúub̃, jii' joba' sée' e teá'. Có' la'eáang' e catáng̃ Dseà Jmáang̃ fí' dse' crúu'ba', jo eé' ta' íng̃ quie' e jii' cóo' jalé' e seà' fí' jmigúú' la lana, jogui líí' lafa' e cajúm' baa, có' jo seen' e quiú' ta' jnea jalé' e seà' fí' jmigúú'. ¹⁵Jogui jo eé' ta' íng̃ quií'na' song tóo' lí' osi ja' tóo' lí' fí' ngúu' táang'na' é; dsuo' lajii' e quíng̃ gui quií'na' e nicaquí' jii'ng' yaang'na' fí' quini' Fidiée', jo joba' nilíng'na'

dsea` 'míim̄ lana. ¹⁶Jo jaléng'` i
 dsea` i seeng` laco' la líí' e júu^ e
 nicafá'`a na, cóo'`gui jaléng'` dsea`
 Israel i quie' Fidiée' nifí' quiá'r̄,
 güiliseem`bre juguíá' júu^ røø,
 jogui güilíb` fi' líinḡ Fidiée' ír`
 cajo.

¹⁷Latí' lana jogui lí̄ dsé`gui cajo
 jíí'` jaang` dsea` nicuó'`guír̄ jnea`

iihuí'; co' jalé' e güi' e quiee` la
 lana cuø' lí̄ e jmóo`o lajíí'` e iing`
 Fíi`naa' Dsea` Jmáanḡ.

¹⁸Joba' dsea` rú'`naa', nimíí'`i
 Fíi`naa' Dsea` Jmáanḡ e ni'ír̄ güea`
 quiá'r̄ jee` 'nú'`. Jo lajob 'né` lí'.

Jo lanab jíí'` fé'` jì' quiá'` Paa` e
 catíinḡ jaléng'` dsea` quiá'` Dsea`
 Jmáanḡ i seeng` fi' lí̄ se'` Galacia.